

Mál nr. 6

Ungmennafélag Tindastóls gegn Knattspyrnufélagi Akureyrar

Kæra Tindastóls

Dómkröfur

Knattspyrnudeild UMFT fer fram á að leikur Tindastóls og KA þann 7. júlí s.l verði dæmdur 0-3 sigur Tindastól í vil.

Málavextir

Grunsendir vöknudu um að KA væri mætti til leiks með ólöglegan leikmann innanborðs. Þjálfara UMFT gerir athugasemd við leikmenn KA fyrir leik oög svara leikmenn KA með dónaskap að sögn þjálfara 3. flokks karla. Hvorki leikmenn né þjálfari 3. flokks KA gera neitt í athugasemd þjálfara Tindastóls og leikur er flautaður á. Leikurinn endar með jafntefli 1-1.

Lagarök

UMFT vísar í reglugerð 4.3 um ólöglega skipað lið. UMFT fer fram á að reglugerð 4.3 verði notuð við meðhöndlun þessara kæru.

Röksemdir

Samkvæmt reglugerð KSÍ 4.3 skal KA dæmt brotlegt og leikur 3. flokks karla milli UMFT og KA skal dæmdur 3-0 tap KA. Leikmaðurinn Ingi Þór Stefánsson kt: 130887-2529 var ekki skráður leikmaður KA á þessum tíma, því er UMFT knúið til að kæra.

Sönnunargögn

Kærandi byggir sönnun sína á leikskýrslu leiksins þann 07.07.2003 kl.20 sem háður var á Sauðarárkróksvelli. Þar kemur fram að leikmaður nr. 11, Ingi Þór Stefánsson kt: 130887-2529, tók ólöglega þátt í leiknum, ljósrit af leikskýrslu leiksins fylgir kæru.

Virðingarfyllst,

f.h. Ungmennafélags Tindastóls

Hugi Halldórsson

Greinargerð KA

Umræddur leikmaður spilar einungis með KA á sl. tímabili eftir að hafa dvalist í Þýskalandi um tíma. Beiðni um félagaskipti var send til HK á sínum tíma en einhverra hluta vegna hefur undirritað félagaskiptablað ekki borist til KSÍ frá HK eða hugsanlega glatast hjá KSÍ. Þess ber einnig að geta að dómari þessa leiks hefur ekki tilskilin réttindi til þess að dæma leiki 3.fl. karla eins og þjálfari KA benti á að leik loknum. Knattspyrnudeild KA óskar eftir því að þessari kæru verði vísað frá.

Virðingarfyllst,

f.h. KA

Gunnar Gunnarsson

Úrskurður Dómstóls KSÍ

Ár 2003, þriðjudaginn 15. júlí var tekið fyrir hjá Dómstóli KSÍ af undirrituðum dómara málið nr.6/2003, Ungmennafélagið Tindastóll, knattspyrnudeild gegn Knattspyrnufélagi Akureyrar, knattspyrnudeild. Skjöl nr. 1-4 lágu frammi. Í málinu er kveðinn upp svofelldur úrskurður.

Úrskurður

Málið var móttækið á skrifstofu KSÍ þann 11.7. 2003 frá kæranda með símbréfi. Málinu var úthlutað til undirritaðs dómara þann 14.7. 2003. Samkvæmt 5. grein laga um dómstóla Knattspyrnusambands Íslands er kærufrestur til dómstóls KSÍ 5 dagar frá því að atvik það, sem kært er bar við og skulu almennir frídagar ekki taldir þar með. Máli þessu er því skotið til dómstóls KSÍ innan lögboðins kærufrests.

Dómkröfur

Kærandi krefst þess að lið kæranda verði dæmdur sigur 3 – 0 í 3. flokki karla í Íslandsmóti KSÍ gegn liði kærða í leik sem fram fór þann 7. júlí síðastliðinn. Því er haldið fram að leikmaðurinn Ingi Þór Stefánsson kt. 130887-2529 í liði kærða hafi verið ólöglegur þar sem hann sé hjá KSÍ skráður leikmaður HK, en ekki KA.

Málsmeðferð

Við skoðun á kærugögnum kemst dómurinn að þeirri niðurstöðu að beita megi ákvæðum 8. greinar laga um dómstóla KSÍ varðandi flýtimeðferð. Var kærða gefinn sólarhringsfrestur á að tjá sig um kæruefni. Greinargerð kærða liggur frammi í málinu, en þar kemur fram að kærði viðurkennir ekki brot sitt og telur að framangreindur leikmaður sé löglegur og krefst þess að málinu verði vísað frá.

Niðurstaða

Að beiðni dómara voru af starfsmönnum KSÍ kannaðar leikskýrslur árána 2001 og 2002 til að ganga úr skugga um með hvaða liði leikmaðurinn Ingi Þór Stefánsson hafi þá leikið. Kom í ljós að hann lék í 4. flokki árið 2001 með HK, en í 3. flokki með KA án þess að hafa tilkynnt félagsskipti úr HK. Með hliðsjón af framansögðu er málið nú tekið til úrskurðar og kveðinn upp svohljóðandi úrskurður:

Kröfur kæranda eru teknar til greina í samræmi við skýrt orðalag 3.tl. í grein 3.9.1.2 í reglugerð KSÍ um knattspyrnumót. Í samræmi við grein 4.3 í sömu reglugerð telst leikur málsaðila tapaður hinu kærða félagi með markatölunni 0 – 3, en hann fór fram þann 7. júlí s.l.

Með tilliti til þess hvernig málsatvikum er háttað þykir dómara ekki ástæða til þess að dæma hið kærða félag til greiðslu sektar.

Úrskurðarorð

Leikur milli Ungmennafélagsins Tindastóls og Knattspyrnufélags Akureyrar í 3. flokki karla sem fram fór hinn 7. júlí 2003 í Íslandsmóti KSÍ telst tapaður Knattspyrnufélagi Akureyrar með markatölunni 0 – 3.

Þannig fram farið

Reykjavík 15. júlí 2003

F.h. Dómstóls KSÍ

Gunnar Guðmundsson

Um áfrýjun:

Heimilt er að skjóta úrskurðinum til áfrýjunardómstóls KSÍ, og er áfrýjunarfrestur til áfrýjunardómstólsins 5 dagar frá því úrskurður dómstóls KSÍ var upp kveðinn og skulu almennir frídagar ekki telja þar með.